

雷波廳志卷之十一

職官志

設官分職以臨兆民司牧教養期於得人邊地治夷兼資文武內託撫綏外嚴禦侮慈惠之長與民最親威猛專制是謂虎臣凡百有位各致其身和衷共濟

永靜邊塵志職官第十一

原設衛守備

雍正八年設乾隆二十六年裁

胡漪江西廬陵人雍正八年任歷十三載令民開墾田疇教以播種北關外龍洞泉水先向西溝直下鳩

雷波廳志

卷之十一

職官

一

工於後山疏鑿水道由城中流出灌田千百頃至今民享其利

葛佩順天文安人乾隆八年任

李仁彪陝西西安人乾隆十年任

金玉模江蘇松江人乾隆二十五年任

程毅直隸萬全人乾隆二十六年任

通判

乾隆二十六年設

楊道國河南河內監生乾隆二十六年任維時百度草創不憚勤勞次第經理規模粗具後來者幸有所

遵循焉

阮 名失攷乾隆二十七年任

楊綬江蘇陽湖監生乾隆二十九年任

曹芝田河南儀封監生乾隆三十年任

商 名失攷乾隆三十七年任

王興謨江蘇華亭監生乾隆三十八年任

楊永業乾隆三十九年任

蕭應昌廣東平遠監生乾隆四十七年任

黃昭蘇湖南郴州舉人乾隆五十一年任

雷波廳志

卷之十一

職官

二

富森保滿洲鑲黃旗生員乾隆五十二年任潔己愛
民興利除弊嘗捐數千金修 關帝廟 火神祠及
迴波亭閣皆不取於民民咸德之

繆錫嘏本任敘州府經歷乾隆五十六年護理

方懷萱安徽桐城舉人嘉慶三年任時雷波建廳已

久未立學校歷任廳主稟請設學均未允行懷萱乃

捐廉集貲修建 文廟凡涉學校之事力爲整頓人

民欣欣好學風氣改觀乃具稟力請開學至九年部

議允准每屆取進三名廳之有學實賴其力也

劉天篤嘉慶六年任

劉長庚本任蘆山縣知縣嘉慶七年任

李鐸漢軍鑲紅旗附生嘉慶八年任

福龍滿洲鑲黃旗監生嘉慶十一年任

疑卽福隆姑存之以備考

達崇阿滿洲鑲白旗生員嘉慶十二年任

福隆嘉慶十七年任在任纂修廳志發微闡幽甫脫

稿卽卸任去既未刻板稿亦無存人皆惜之

達崇阿嘉慶十八年復任

連彭浙江紹興監生嘉慶十九年任

雷波廳志

卷之十一

職官

三

洪運開本任大足縣知縣嘉慶十九年任

尙志政漢軍鑲藍旗官學生嘉慶二十年任

胡涵道山東海陽監生嘉慶二十二年任

任振雍順天大興人供事出身嘉慶二十二年任

陸成本字化村浙江蕭山副貢嘉慶二十三年由宜

賓縣調署心地慈祥培植學校時雷波未建書院乃

捐廉爲紳富倡籌集巨款買青龍巷內民房二十餘

間改建書院講堂學舍皆備復置田產歲取租穀以

爲延請山長之資又爲諸生童添設膏伙遇有好學

者親爲講解指授士爭奮勵濯磨成材者眾時出巡覽見邊地苦夷患多窮民每致老而失所乃於城內設養濟院城外設棲流所日以錢米周卹之聽斷持平無所偏倚常以倫常日用孝弟忠信教誨百姓聞者感化爲政有本有末次第施舉合於古循吏去之日父老攀輿泣送至今猶謳思不輟

楊宜恬道光元年任

楊良棟安徽涇縣監生道光六年任

郭輝翰湖南長沙舉人道光十一年任

雷波廳志

卷之十一

職官

四

門崇正紅旗滿洲筆帖式道光十三年任

劉耀庚字申甫河南項城拔貢道光十七年以慶符

縣知縣調署下車值夷匪大亂提憲余步雲齊慎

統兵進剿三月卽受降去耀庚以夷氛日惡非大創

之則邊患無已時乃建議四條呈大府請四邊會

剿改土歸流爲一勞永逸之計事未允行耀庚乃因

事制宜以防爲勦募鄉勇千八百人並普安營兵分

防各要隘出入邀擊連破其大股又命鄉勇通夷語

者混入夷巢摸拏殺賊斬馘無算夷匪畏懼相率投

誠悉心籌辦善後稟請添設三稜岡馬頸子黑角羅
三溪各營汛又請款改建石城一切如議耀庚負邊
材長於政事籌畫布置悉合機宜當建營汛時芒鞋
竹杖行山徑中周察險隘不畏勞苦其築城堡建衙
署修兵房材木瓦石皆取諸深山頗形艱阻耀庚親
往相度隨地取材民不罷勞大功告竣沿邊百餘里
防禦綦嚴事平後力培文教置買興賢會學田以作
歲科兩試棚費由是文武童應試者無卷結之費在
任五年民愛之如慈父母後升綿州刺史百姓感其

雷波廳志

卷之十一

職官

五

德建祠以祀至今歌祝不衰

福來滿洲鑲紅旗筆帖式道光二十二年任

徐光琅安徽池州府建德監生道光二十二年任

張擴廷直隸南皮翰林道光二十三年任博雅能文

嘉惠士類以邊地好學者鮮見質性明敏者必多方
獎勵之凡經其指授爲文皆可觀一時人材成就者
甚眾

繆榮吉順天宛平監生道光二十三年署

劉紹文江蘇武進監生道光二十四年任

繆榮吉道光二十七年再署

陳長塘廣東揭陽拔貢道光二十八年任慈惠愛民廉潔自守不妄取民間一錢時命人取財於家以資公用父老感戴今猶頌之

呂瑞玉順天大興人供事出身道光二十九年任

李清晏甘肅狄道州監生道光三十年任

附題擒渠圖詩
大峩西南蠻風起書生聞之髮上指投筆慷慨請長纓繫南越主易易耳萬卷讀破自有謀與賊相持未必是智士只用百人隨直入虎穴取虎子茂林轟轟高插天蠻奴負隅恃有此飛身礮崖縛其渠干夷萬夷盡披靡須臾獻馘返軍門不折一戟與一矢大帥

雷波廳志

卷之十一

職官

六

登壇賞有功一時論功功無比射石直欲挽彫弓籌邊何事築堅壘豈意功成翻不居壯士仍然為名士雲林妙手善寫生繪圖一如作青史至今淋漓展卷看忠義之氣猶滿紙

曹旭耀直隸昌黎舉人咸豐五年任

賀洪熙字世農湖南湘鄉舉人咸豐六年任下車之日勤求民隱見邊地士子多苦寒膏伙不繼每因貧廢學時又值各省軍興普安兵調征隣省其夫馬供給皆責保正承辦無公款可支每逢征調之年或需役多而驟不能集或用費繁而力不能支搞撲追比號泣道路保正亡身破家者甚眾洪熙傳集紳糧婉

言開諭並捐廉以爲之倡於是集巨款置田業歲收
稻穀一百五十石立軍需膏伙局嚴定章程有事之
時作軍需夫馬無事之時則爲書院生童膏伙之資
此後供億往來按章支給而寒畯之士住院肄業亦
稍有所資數十年中閭閻安靜文風大啓皆沐其遺
澤也

周倬湖南瀏陽供事咸豐六年任

敖立榜字蕊生湖北竹溪拔貢咸豐十一年任性愛
士護持甚力月課生童見有能文者必獎勵之暇時

雷波廳志

卷之十一

職官

七

輒至書院與諸生論文孜孜不倦諸生亦常入署請
業直至臥閨闈人不能阻誨迪講貫無異嚴師恩誼
之篤比於家人骨肉以此士爭自愛聞風興起一時
文教稱極盛焉

全亮正黃旗蒙古筆帖式咸豐十一年任

席榮甘肅皋蘭吏員同治元年任

廖葆和江西崇仁監生同治三年任

黃華鎬浙江嘉興府海鹽監生同治四年任

彭兆衡湖北黃陂監生同治五年任

楊澤溥字濟泉貴州畢節舉人同治七年任下車值
夷匪大亂湘果兩營來雷進勦防禦不力乃稟
上
憲請撤去客軍就地募鄉勇五百人以資防範自此
設雷威軍防禦隘口遇有夷警往來策應邊患稍息

附留別雷波士民詩並序

余撫夷莅茲逾三載矣賴諸君子同心勦贊頗著成
績今瓜代有日邦人建亭勒石意甚殷拳愧不敢當
情殊難已率成俚句四章用誌離懷
繞郭山光錦列屏先人轉餉舊曾經地留雪印同夔
峽天許淵源述鯉庭敢信清風能繼美惟期毒霧盡
潛形邊防此外無多事因園塵封草自青
下車恰值寇來時勉徇輿情請濟師委靡軍威偏不
整彫殘民力更難支重新壁壘談何易獨障巖疆責
肯辭盼到閭閻安堵日積憂贏得鬢如絲

雷波廳志

卷之十一

職官

八

幾被檢人口鑠金惟憑誠悃變鴉音肩勞已閱三寒
暑負固難言七縱擒畢竟南荒猶嚮化可知上策是
攻心修文偶趁干戈暇桃李栽成幾樹陰
梅花風裏報鶯遷局定纔容擔息肩兩字亭名增我
愧數年政蹟有人傳尙虞伏莽滋他族祇把安邊託
後賢多感攀轅相送意柳絲爭似此纏綿

張清理貴州思南拔貢同治十年任

徐浩順天大興監生同治十二年任

吳之桐河南固始附生光緒元年任

吳克謙江西太和監生光緒二年任

彭克儼江西南昌人供事出身光緒三年任

余上富陝西三元拔貢光緒三年任

趙席珍陝西渭南舉人世襲雲騎尉光緒五年任

王寶書字倉文雲南昆明進士光緒六年任

李中斂山東卽墨附生光緒七年任聽斷明決嚴而不殘馭下尤謹於繩墨在任一年差役奉公守法不敢妄索規費株連平民白役無事不敢下鄉騷擾鄉民安居樂業含哺熙熙陰受其賜

周鳳藻字介卿湖北咸甯監生光緒八年任諳練邊事洞悉夷情善於駕馭在任四年署中聽差夷目百餘名按日散給錢米月需酒肉犒賞爲費甚鉅皆恣

雷波廳志

卷之十一

職官

九

以與之不計賠累諸夷悅服咸樂爲之用操縱在手邊事帖然數年中地方安靜無事遂興學校賑貧窮設賓興會以濟生童設福善堂以儲稻穀又於西門外添修養濟院以惠孤窮其有造於邊民者非淺鮮也

孫清士字傑人雲南呈貢進士光緒十三年任性慈良耽翰墨公餘吟詩作字手不停揮其悲難民喜雨老農諸作至今猶膾炙人口

附悲難民詩

竹籠破倦鳥飛夷巢疏難民歸長跪訴中心悲形如

鳩面如鵠蠻語吾不知土役爲轉述憶昔被捆時父母遭屠戮民時尙嬰孩蠻婦見矜恤衣我以氊裳食我以苞穀多年忘苦辛奔走事黑骨朝汲水暮伐木行稍緩鞭且扑鞭扑無完膚民不能堪竄林谷林深路曲夜行晝伏可憐半月路經月始逃出名雖逃出身何屬生年且不計何况田業與財物姓不自知何論親戚與邦族我時聞此言安置正無術土役前跪訴願乞難民爲散卒回頭語難民難民拜且服昔作蠻家犬今爲漢家僕幸爲漢家僕民卽困苦到老願亦足

喜雨
新秧類嬰孩待雨如待乳山城地更磽三晴須兩雨今歲幸栽插含苞猶未吐老龍忽貪眠半月不起舞低田尙含滋高田半焦土寡婦發歎聲野農咸叫苦我始約僚屬登山伐雷鼓龍起若解慙噓雲出洞府徐徐授甘霖深入地肺腑禾苗雖委頓小病輒培補登高望平原憔悴轉媚媪山亦爲歡欣濃妝繞庭戶其二

雷波廳志

卷之十一

職官

十

連山酣夜雨精神忽滿腹睡起鬪新妝峯峯如膏沐周覽挹山光晴翠翳病目遙望野人居濃陰低覆屋原隰靜無聲田水鳴汨汨良苗盡懷新一色極天綠白鷺獨飛來翛然拳一足
老農
息心契原野樂事在田疇嗟予尙塵網寸心滋百憂幾時賦歸來買宅傍林陬流水抱我居好山上我樓衣食桑百株奴僕橘干頭中復閒栗棗紅綠綴牆樓老妻工織紡嬌女解吟謳杜門謝冠蓋漁樵相與儔春嘗及秋社野老共嬉游以此終吾老身外復何求豈不念兒孫兒孫各有謀

勞衡芝字芝舫湖南善化監生光緒十四年任

施毓齡字壽峯浙江會稽監生光緒十五年任

譚酉慶山東歷城人任屏山縣知縣光緒十六年任

理

孫培元陝西三元廩貢光緒十七年任

秦雲龍湖北咸豐監生光緒十七年任

黃螂原設防禦所千總

雍正八年設乾隆二十六年裁

鄒世捷直隸大興人雍正八年任

陳維新陝西甯湖人雍正十一年任

熊良相四川成都人雍正十三年任

靳聲浦直隸人乾隆八年任

吳兆祖乾隆十九年任

雷波廳志

卷之十一

職官

七

程毅直隸萬全武舉乾隆二十一年任

黃螂分駐巡檢

乾隆二十六年設

周敬國浙江德清人乾隆二十七年任

王思禔陝西涇陽監生乾隆二十九年署

梁堯佐廣東嘉應監生乾隆三十年署

朱進賢本任廳照磨乾隆三十二年兼署

章大錦順天宛平職員乾隆三十三年任

王錫圭江蘇太昌監生乾隆四十一年任

熊壽佺江西新昌監生乾隆四十二年署

趙安默湖南衡山監生乾隆四十三年署

任學翰山西孝義監生乾隆四十四年署

王渝正紅旗漢軍監生乾隆四十五年署

王政山西孝義監生乾隆四十六年署

陸霖江蘇昭文監生乾隆四十七年署

王如芬浙江甯波府慈谿人道光十七年任夷匪作

亂運糧至羊子橋遇害祀昭忠祠

陳繼宗道光十七年任

宋泉淇山西介休監生道光二十一年任

雷波廳志

卷之十一

職官

三

張賢甘肅武威吏員道光二十一年任

傅振宗河南汲縣監生道光二十七年任

施積慶浙江會稽監生道光三十年任

湯世楫順天大興從九咸豐元年任

嚴肱江西西安監生咸豐元年任

趙棠廣東南海人供事出身咸豐六年任

李國柄浙江山陰監生咸豐七年任

羅均浙江烏程監生咸豐八年任

張德銓安徽懷甯監生同治四年任

陳大墉江西崇仁監生同治五年任

沈彬浙江烏程監生同治五年任

陳禹堂雲南監生光緒十年任

戴濟霖湖北麻城監生光緒十年任

濮廷相安徽懷甯人供事出身光緒十一年任

鄧大任湖北巴陵監生光緒十二年任

何福田山西靈石監生光緒十三年任

曾傳葆湖北善化監生光緒十四年任

照磨 乾隆二十六年設

雷波廳志

卷之十一

職官

三

馮際晏山西汾陽從九乾隆二十七年任

翁廷基乾隆三十一年任

朱進賢順天宛平人供事出身乾隆三十一年任

楊震江西新城未入流乾隆三十一年任

楊騰龍山東歷城從九乾隆三十六年任

王來賓江西萬安監生乾隆三十七年任

姜鏞江西上元監生乾隆四十二年任

夏麟書江蘇邳州監生乾隆四十五年任

吳廷葵順天宛平監生乾隆六十年任

陳朝鼎浙江山陰從九嘉慶十五年任

陳先甲江蘇武進從九嘉慶二十一年任

曹清安徽歙縣監生嘉慶二十五年任

李時浩浙江會稽監生道光元年任

齊紹曾道光三年任

班仕升陝西富平人軍功出身道光十三年任

駱永清道光十六年任

汪仁溥道光十六年任

葛景夔道光十七年任

雷波廳志

卷之十一

職官

十四

滕國倫湖北麻城從九道光十九年任

高慶辰順天宛平人供事出身道光二十一年任

李作湘湖南東安監生道光二十二年任

陳湘江西太和監生道光二十二年任

潘鏡道光二十三年任

湯臣鳩道光二十四年任

吳獻琛江蘇武進監生道光二十五年任

孫長灼安徽桐城監生道光二十六年任

饒宣昭道光二十六年任

曹金聲山西大谷監生道光二十七年任

孫裕渭湖南新化監生道光二十九年任

周企琛順天宛平吏員道光二十九年任

張藻順天大興監生咸豐十一年任

張志榮浙江山陰監生同治二年任

章紹曾浙江歸安監生同治六年任

羅錦章順天大興從九同治六年任

戴其璋江西廬陵監生同治七年任性慈祥與物無

忤在官二十年遇地方善舉必力爲成就又喜與人

雷波廳志

卷之十一

職官

五

排難解紛人多稱頌

沈靖順天宛平監生光緒六年任

董威雲南監生光緒十三年任

趙明經陝西漢中府城固監生世襲雲騎尉光緒十

五年任

陸炳雲南昆明人軍功出身光緒十六年任

訓導

嘉慶十年設

鮮于薰營山舉人嘉慶十年任學問淹博訓迪有方
時廳城未建書院乃於學宮側構屋三間作爲講堂

以訓士子成就甚眾又纂廳志四卷學識兼長因未
付剞劂遂致失傳良可惜也

秦函巴縣舉人嘉慶十三年任

蕭韶成都舉人嘉慶十八年任

冉思儒江津廩生嘉慶二十年任

趙維藩綿竹廩生嘉慶二十二年任

王鉅賓道光十七年任

張學古瀘州廩生道光十八年任

李柄龍江油廩生道光二十年任

雷波廳志

卷之十一

職官

六

譚盛柄渠縣附生道光二十一年任

王子貞萬縣舉人道光二十二年任

周應熙簡州舉人道光二十九年任

卜年字夢漁巴縣優貢道光三十年任學有本原善

於啓迪其在官最久一時士子多出其門教澤留遺

人多感戴

萬恆心永川附生同治元年任

何現書字雲崖廣元舉人同治元年任學問優長矜

尚氣節教人以立品爲先不許干預非分見有汲汲

謀利者必深斥之然性喜護持善類寒畯多蒙培養
嚴覲光什加增生同治三年任

卜年同治四年復任

王玉麟成都附生光緒十年任

羅自新安岳貢生光緒十一年任

曹兆蘭華陽廩生光緒十二年任

周良佐樂山貢生光緒十三年任

田開文重慶定遠舉人光緒十三年任

歐陽循嘉定威遠縣舉人光緒十九年任

雷波廳志

卷之十一

職官

七

普安營原設遊擊

雍正八年設乾隆二年裁

鄂世威陝西人雍正八年以敘馬營遊擊隨 提憲

黃廷桂征剿雷波夷匪擒渠破隘多著勛勞事平設

普安營遊擊卽以世威任之一時安設營汛開創屯

田修建公署倉廩均經營妥帖復認真訓練士卒以

防夷匪邊民深倚賴之

王玉本任會川遊擊雍正八年署

李繼經候補遊擊雍正十三年署

毛龍甲本任安阜都司雍正十三年十月護理

白文炳山西陽曲行伍乾隆元年任

楊聯升本任中軍守備乾隆二年護理

參將 乾隆二年設

何啓賢乾隆三年二月任

丁大業乾隆三年五月任

李洪河南汲縣人本任馬邊都司乾隆七年護理

張興陝西甯夏人行伍乾隆七年七月任

買國樑西昌縣行伍乾隆十年任

何懋儒本營中軍守備乾隆十二年護理

雷波廳志

卷之十一

職官

六

張豹陝西長安縣行伍乾隆十四年任

許王榜福建長汀縣行伍乾隆十五年任

史載賢山西大同人行伍乾隆十七年任

拴柱本任大壩營遊擊乾隆十八年署

張榮陝西長安人行伍乾隆十九年任

劉懷仁乾隆二十二年補授未蒞任

伊克坦布乾隆二十五年補授未蒞任

哈廷樑直隸獻縣人武進士第一乾隆二十七年任

庫明額本任敘馬營遊擊乾隆三十年任

哈攀鳳直隸肅甯武進士乾隆三十一年護理

林朝達安阜營都司乾隆三十四年護理

郎晉升漢軍鑲紅旗人乾隆三十四年五月任

孫兆勛山東臨淄武舉本任馬邊營參將乾隆三十二年署

查史本任馬邊營參將乾隆四十一年任

富森候補副將乾隆四十七年署

保甯滿洲正黃旗人乾隆四十八年任

雷神保滿洲正白旗人乾隆四十九年任

雷波廳志

卷之十一

職官

九

谷廷棟乾隆五十四年任

苟若元本營中軍守備乾隆五十五年護理

瑪爾紅阿安阜營都司乾隆五十五年八月護理

馬俸君甘肅靈州行伍乾隆五十五年任

秦廷玉候補遊擊乾隆五十八年任

胡尙賢嘉慶二年補授未莅任

郝騰龍本營把總嘉慶二年護理

陳起鳳本任馬邊營都司嘉慶三年署

托雲泰候補參將嘉慶三年署

蒲益章保甯昭化人嘉慶五年任

馬瑞圖本任敘馬營都司嘉慶七年署

倭靈阿候補遊擊嘉慶十年署

何得芳貴州定番人行伍嘉慶十二年任

李廷揚候補參將嘉慶十四年署

王泰甘肅皋蘭行伍嘉慶十四年補授未莅任

楊登魁候補遊擊嘉慶十五年署

李廷揚本任會川營參將嘉慶十九年署

張鑑嘉慶十九年補授未莅任

雷波廳志

卷之十一

職官

三

塔清阿蒙古鑲紅旗人本任馬邊遊擊嘉慶二十年署

楊遇春嘉慶二十年補授未莅任

楊登魁嘉慶二十年署

噶勒炳阿滿洲正白旗人嘉慶二十三年任

善成本任提左遊擊道光六年署

馬懷謨本任甯遠營都司道光七年署

噶勒炳阿道光七年復任

張君德道光十年補授未莅任

李昶本營中軍守備道光十一年護理

趙六韜本任綏靖營遊擊道光十二年署

樊豐年道光十三年任

趙六韜道光十四年復任

李萬春安阜營都司道光十五年署

恆裕道光十六年補授未莅任

盛世祥安徽人道光十九年任幼讀書習章句後乃

投筆從戎積階至專閩甫莅任值雷波夷匪肇亂帶

兵出防聲威茂著事平會同通判劉公耀庚籌辦善

雷波廳志

卷之十一

職官

三

後悉合機宜並請設右營馬頸子黑角羅三溪各營

汛為邊防保障利賴無窮兵民感戴建祠以祀

附通判張擴廷贈詩

將軍英勇世無敵學劍學書俱第一據鞍曾彎瀚海
弓磨盾屢草天山檄功勒燕然何壯哉移節又向西
蜀來綿水波澄鼓角偃銀山日照旌旗開馬湖千里
賊氛惡白刃如霜恣殺掠將軍叱咤霹靂鳴山夷望
風膽先落梓柯內附願稱臣推牛瀝血求更新大開
藩衛制方面邊徼永息干戈塵我昔巴蜀結深契雷
陽舟楫復同濟快覩馬援破敵勳幸參德裕籌邊計
度地森羅南北軍漢夷向化各欣欣吠厖夜息干村
月叱犢春耕萬隴雲卻憶生番未就撫流民逃徙何
悽楚不是將軍計畫周安得黎民同案堵東門祠宇
鬱嵯峩敬祝將軍受福那歲歲雷民擊鏡鼓祠前齊
唱太平歌

常山道光二十三年任

曾德勝本任順慶遊擊道光二十六年署

應國銳本任疊溪遊擊道光二十七年署

武慶本任重慶中營遊擊道光二十九年署

王瑞直隸保定人武進士第一道光二十九年任

姚鵬程本任會鹽營遊擊咸豐元年署

方映川安阜營都司咸豐元年護理

阿昌阿本任疊溪營遊擊咸豐二年署

占住蒙古人咸豐三年任

雷波廳志

卷之十一

職官

三

岳維勳本任會鹽營遊擊咸豐四年署

何特聲本任綿州都司咸豐五年署

張威邦咸豐六年補授未莅任

田宗協咸豐八年補授未莅任

韓廷貴馬邊廳人同治元年任

林耀龍本任提右遊擊同治八年署

鄭元龍記名提督同治九年署性嚴猛整頓邊防講

求營制汎弁中有怠惰者懲之不稍假借以此弁士

奮勉不敢疎防夷匪聞之各皆畏威遠避未三月卽

去任人咸惜之

韓廷貴同治九年十月回任

葉濃盛候補副將同治十年署

胡定清候補副將同治十一年署

德通揀發副將同治十二年署

馬懷珍候補副將同治十三年署

王聚蘭記名提督光緒元年署

邵永齡記名提督光緒二年署

李發祥本任提左遊擊光緒五年署

雷波廳志

卷之十一

職官

三

周興祿儘先副將光緒七年署

蔣繼榮字富春江南沛縣人光緒七年由安阜都司

調任智勇足備清廉自矢莅任後卽裁陋規不受屬

員餽獻實心整頓營務裁汰老弱招募丁壯暇時聚

而練之縛沙於足習輕舉便山行鎗礮刀矛講求實

用不蹈虛樣其所練兵皆能禦侮破敵無游惰之習

性耐勞苦每於春秋閱操日步行山徑周察險隘雖

人迹所不到者亦躬親閱歷以故山川大勢如指諸

掌籌防悉中肯要夷匪不敢妄動又念邊地苦寒營

中無蓄積兵士困窮日甚乃樽節設法贖回民間所當屯田以備急用在任五年視公事如家事盡心辦理毫不營私去之日不名一錢人皆思念不置

貴成滿洲人維州副將光緒十二年署

定長字煥之漢軍鑲黃旗人光緒十三年任熟悉夷情精敏任事在建昌二十年聲名遠著莅任後諸夷畏服邊境清平調任峩邊參將以勞勩卒

謝金誥貴州人提標中營參將光緒十五年署

普安左營中軍守備

雍正八年設原註烏角汛乾隆十二年移駐廳城

雷波廳志

卷之十一

職官

三

王正泰雍正十年任

楊聯輝雍正十三年任

何懋儒成都人乾隆九年任

楊錦閬中人乾隆十五年任

駱文鎮直隸清苑人乾隆二十年任

溫清成都人乾隆二十五年任

朱克仁巴縣人乾隆二十九年任

楊璠成都人乾隆三十五年任

常永滿洲正白旗人乾隆四十三年任

年鏞漢軍鑲黃旗人乾隆四十九年任

溫廷俊成都人乾隆五十二年任

苟若元松潘人乾隆五十五年任

馬文貞松潘人嘉慶十年任

羅應魁成都人嘉慶二十年任

楊國林年貫失攷

馬明德年貫失攷

郭文魁年貫失攷

魏吉貴年貫失攷

雷波廳志

卷之十一

職官

三

張應錫年貫失攷

郝騰龍廳人嘉慶二十三年以把總署理

張應魁年貫失攷

潘鈞松潘人行伍嘉慶二十四年任

韋安成都人行伍道光二十一年任

王壽華陽人行伍道光二十八年任

朱定國由軍營陞補未莅任

楊占春由軍營陞補未莅任

張廷柱本任安阜營千總咸豐五年署

伍春榮由軍營陞補未莅任

謝鋼雲陽人行伍咸豐十年任

楊承恩督標儘先都司同治元年署

劉永祿督標儘先都司同治三年署

馮光熊本任安阜營千總同治七年署

陳夢熊督標儘先都司同治八年署

鄧必超督標儘先都司同治九年署

盛國廉督標儘先都司同治十年署

羅國柱提標儘先守備同治十一年署

雷波廳志

卷之十一

職官

三

王登華馬邊人行伍同治十二年任

李耀嵐廳人本營存城外委同治十三年代理

晁成貴溫江人行伍光緒元年任

王春桂邛州武進士光緒元年署

王金鼎儘先參將光緒四年任

羅焜廣元人行伍光緒五年任

穆德隆本懋功營千總光緒六年任在任一年辦理

地方夷務先事彌縫前後捐用數百金無所吝惜去

之後人猶頌之

麻耀明提標儘先都司光緒九年任

劉桂森督標儘先都司光緒十三年任

金學田督中武進士光緒十四年任

楊樹森督中武進士光緒十五年任

金國柱撫邊屯人行伍光緒十六年任

安阜營原設守備 雍正八年設十年裁

毛龍甲江南丹徒人行伍雍正八年任十年奉裁改

設都司

都司 雍正十年設

雷波廳志

卷之十一

職官

三七

毛龍甲雍正十年任

田玉陝西漢中人行伍乾隆三年任

江坤江南人行伍乾隆八年任

楊耀成都人行伍乾隆十年任

楊緒宗候補守備乾隆十一年任

傅尚忠成都人行伍乾隆十二年任

張廣德提標守備乾隆十五年任

曾敏廣西全州廕生乾隆十八年任

任繼光重慶左營守備乾隆二十年署

雷基湖北穀城人乾隆二十二年由廕生補任

哈攀鳳直隸肅甯武進士乾隆二十四年任

田坦候補守備乾隆二十七年任

林朝達貴州遵義武舉乾隆二十七年任

陳連本營千總乾隆三十六年護理

劉國雄敘馬營守備乾隆三十六年署

楊傑湖南武陵人行伍乾隆三十七年任

楊璠普安營守備乾隆三十七年署

楊傑乾隆四十一年回任

雷波廳志

卷之十一

職官

三

羅世榮提標守備乾隆四十二年署

特通阿滿洲鑲藍旗人乾隆四十三年任

班達爾沙候補遊擊乾隆四十七年任

特通阿乾隆四十八年回任

馬世清乾隆四十八年任

瑪爾紅阿滿洲鑲白旗人乾隆四十九年任

沈宗文城左守備乾隆五十四年署

瑪爾紅阿乾隆五十五年回任

李述善本普安左營千總乾隆五十六年護理

百壽滿洲鑲黃旗人乾隆五十八年任

秦廷玉署普安營參將嘉慶元年兼攝

蘇雲煥清溪人嘉慶二年補

郝騰龍本普安左營把總嘉慶二年護理

托雲署普安營參將嘉慶三年兼攝

陳起鳳本任馬邊營都司嘉慶三年署

蒲益章普安營參將嘉慶七年兼攝

馬瑞圖本任敘馬營都司嘉慶七年任

余當毅廣西全州武進士嘉慶八年任

雷波廳志

卷之十一

職官

三

岳泰成都人行伍嘉慶十三年任

馬文貞本普安左營守備嘉慶十五年任

李棠候補都司嘉慶七年任

陳文耀廣東東苑武進士嘉慶十六年任

穆榮成都人行伍嘉慶二十三年任

袁起世襲雲騎尉嘉慶二十四年任

唐紹基本赤水營守備道光三年任

王耀龍廳人行伍城守守備道光五年任

李萬春松潘人行伍道光九年任

王耀龍道光十二年復任

王國英本營千總道光十二年護理

馬文治本普安營守備道光十四年任

王耀龍道光十七年復任

吳英松潘人行伍道光十九年任

朱定國本普安營千總道光二十一年護理

涂占魁本敘馬營都司道光二十二年任

王壽本普安左營守備道光二十五年任

徐占超本重慶營千總道光二十七年任

雷波廳志

卷之十一

職官

三

方映川遂甯武舉道光二十八年任

陳世容本馬邊營守備咸豐元年任

方映川咸豐二年任

蕭聲遠咸豐四年任

林宗昭廳人咸豐四年代理

吳先志廳人世襲雲騎尉咸豐四年署

馬宣本會鹽營守備咸豐七年任

王維藩提標世職咸豐九年任

黃成錫咸豐十一年任

馬文貞本馬邊右營千總同治二年署

鄭懷德儘先都司同治四年任

劉紹富本峩邊守備同治七年任

朱文章儘先遊擊同治八年任

王仕明儘先遊擊同治九年任

白陽春儘先都司同治十年任

世昌世襲雲騎尉同治十一年任

徐步雲本靖遠營遊擊同治十三年署

蔣繼榮江南沛縣人軍功出身光緒五年任

雷波廳志

卷之十一

職官

三

沙秉忠儘先遊擊光緒七年任

程鳳池督中儘先守備光緒八年任

黃大川督中儘先守備光緒十年任

熊兆周世襲雲騎尉儘先都司光緒十三年任

吳以忠儘先都司光緒十五年任

周位陞溫江人行伍光緒十六年任

普安右營守備

道光十九年設

王國英崇慶州武舉道光十九年任十八年帶兵隨
征夷匪累立戰功後設普安右營卽以國英任之草

創經營勤勞茂著

韋安華陽人道光二十一年由左營守備調署熟於營制訓練有方時值初設營汛修築城垣並建兵房衙署皆認真經理不憚勤勞至今猶蒙其利

辜銓督標左營千總道光二十二年任

徐占超成都人行伍道光二十六年任

周兆熊松潘人行伍道光二十八年任

王夢熊華陽人行伍道光二十九年任

蕭聲遠新津人行伍道光三十年任

雷波廳志

卷之十一

職官

三

白先春奉節武生咸豐四年任

高廷良成都人行伍咸豐八年任

范金魁西充人行伍同治二年任

盧占鼇雙流人行伍同治二年任勇敢善戰身先士卒

卒遇有夷匪出巢必帶兵邀擊或於夜間獨身縋城

而下兵士執刃隨後從之其勇往若此通巢屏息不

敢越境爲亂數年之內邊民休息恃若長城

慶和成都駐防旗人同治五年任

謝鋼雲陽人行伍同治七年任

唐玉龍新繁人行伍同治八年任

鄧必超華陽人行伍同治十年任

吳廷斌大甯人行伍同治十一年任

鄧必超光緒元年復任

張世炳灌縣人行伍光緒三年任

張世傑奉節人行伍光緒四年任

王春芳壁山人行伍光緒八年任熟悉夷情謀畫精

密夷巢有事動息皆知每先期以爲之備諸夷中有

桀黠好亂者必設法生致之送交雷波廳拘禁管押

雷波廳志

卷之十一

職官

三

閒遇零匪竄逸爲亂卽伏兵要隘截其歸路常奪其所擄財物無能脫者夷匪自是斂迹不敢滋事而內地藉以休息焉

戴炳勳廣元人行伍光緒十三年任

徐鉞湖北人行伍光緒十七年任

普安左營領哨千總

雍正八年設

余占魁馬邊人行伍

劉登元馬邊人行伍

李述善

朱定國保甯人行伍

王夢熊

范金魁西充人行伍

劉廷棟

薛光祜廳人以雲騎尉署

鄧銓

張全川以武進士署

何玉春以外委署

吳懷德廳人以千總署

李耀嵐廳人以外委署

李光華以把總署

袁殿邦馬邊人行伍

毛廷魁廳人以把總署

韋光宗廳人以把總署

蕭占奎松潘人行伍

孫兆齡廳人以外委署

夏世富仁壽人以千總署

徐鉞湖北人行伍

唐金山安徽人以把總署

安阜營領哨千總

雍正八年設

雷波廳志

卷之十一

職官

三

劉鼎巴縣人行伍

白子鳳陝西人行伍

楊耀斗成都人行伍

傅德滿洲人行伍

冶繼明成都人行伍

賈正文華陽人行伍

陳璉永甯人行伍

傅鋹成都人行伍

馬朝選成都人行伍

余海平武人行伍

王仕榮西昌人行伍

王國輔郫縣人行伍

張超什邡人行伍

周添章涪州人行伍

黃大經達縣人行伍

王國英崇慶州人行伍

王體仁灌縣人行伍

張廷柱松潘人行伍

吳京年廳人以把總署 宋傳喜黔江人行伍

馮光熊資州人行伍 蕭占奎松潘人行伍

何朝能黎雅把總調 彭玉芳松潘人行伍

袁殿邦普左千總調

普安右營駐防馬頸子汛千總 道光十九年設

王承勛西充人行伍 胡萬貴廳人以把總署

薛光祐廳人以世職署 胡廷棟廳人行伍

白先春奉節武生 毛廷魁廳人以把總署

封俊龍廳人以把總署 馬德勳馬邊人行伍

雷波廳志

卷之十一

職官

三

李廷傑松潘人行伍 蔣國恩湖南人以守備署

王玉超廳人以千總署 楊大文廳武生署

普安左營分防烏角汛頭司把總 雍正八年設

權正邦敘州府人行伍 馬相魁成都人行伍

李吉祥馬邊人行伍 何玉春鹽亭人行伍

胡震山東人行伍

普安左營分防那比汛把總 雍正八年設

彭朝富馬邊人行伍 汪如漢馬邊人行伍

彭正偉廳人行伍 李光華溫江人行伍

賴定超松潘人行伍

王觀廷松潘人行伍

潘光煜松潘人行伍

普安左營分防黑角汛把總

道光十九年設

徐明魁成都人行伍

王化鼇廳人行伍

陳錫盈馬邊人行伍

黃萬興松潘人行伍

添泉滿洲人行伍

伍春濃松潘人行伍

姚榮泰松潘人行伍

普安左營分防羅三溪汛把總

道光十九年設

王體仁松潘人行伍

鄭人傑成都人行伍

雷波廳志

卷之十一

職官

三

鍾恩榮華陽人行伍

李文熙成都人行伍

安阜營分防箐口汛把總

雍正八年設

燕英成都人行伍

沈印榜峨眉人行伍

朱解宜賓人行伍

陳連永甯人行伍

劉忠綿州人行伍

袁文林江安人行伍

余海平武人行伍

包應甲涪州人行伍

周吉圖眉州武舉

陳朝棟成都人行伍

王奉貴達縣人行伍

楊貴成都人行伍

鄧超林松潘人行伍

張廷柱松潘人行伍

鍾埤西昌人行伍

馬國良秀山人行伍

陳天柱懋功人行伍

楊玉仲黎雅外委補

游朝勝華陽人行伍

吳占高廳武生升補

普安右營存城把總

道光十九年設

黃成圖松潘人行伍

牛柏霖松潘人行伍

汪如漢清溪人行伍

唐正芳秀山人行伍

鍾恩榮華陽人行伍

沈正義廳人行伍

雷波廳志

卷之十一

職官

三